

UNIVERSITI SAINS MALAYSIA

Peperiksaan Semester Pertama
Sidang 1987/88

YBA 304 - Komunikasi untuk Pembangunan Sosial

Tarikh: 31 Oktober 1987

Masa: 9.00 pagi - 12.00 t/hari.
(3 jam)

Jawab SEMUA soalan. Seberapa boleh gunakan konsep, model, teori, dan prinsip yang anda telah pelajari dari kursus ini. Peserta-peserta Rancangan Sijil Komunikasi Massa (RSKM) jawab TIGA (3) soalan sahaja.

1. SAMA ADA (25%)

- (a) Bincangkan perbezaan di antara fahaman pembangunan mengikut kategori-kategori klasikal, neo-klasikal, dan Marxist. Seterusnya kaitkan fahaman-fahaman ini dengan pembangunan yang berjalan di Malaysia.

ATAU

- (b) Terangkan maksud "struktur sosial". Bincangkan bagaimana struktur sosial telah menjadi bahan teoritis dalam rumusan pembangunan sarjana yang berfahaman Marxist.

2. SAMA ADA (25%)

- (a) Griffin, 1973 ("Underdevelopment in Theory"), Cleaver, 1973 ("Contradictions of the Green Revolution"), dan Eisenstedt, 1976 ("Changing Vision of Modernization and Development") telah mengutarakan kritikan yang berlainan terhadap pembangunan yang menekankan kemajuan material. Bincangkan perbezaan-perbezaan ini.

...2/-

ATAU

- (b) Terangkan bagaimana konsep dualisme telah mempengaruhi corak pembangunan yang diamalkan oleh negara-negara sedang membangun. Bahaskan perkaitan konsep dualisme dengan corak pembangunan di Malaysia.

3. SAMA ADA (25%)

- (a) Bincangkan peranan komunikasi dalam pembangunan sepertimana yang dikemukakan oleh Daniel Lerner dan Wilbur Schramm. Mengapa pendirian mereka dianggap terlalu mudah dan kurang sempurna bagi penggunaan oleh negara-negara yang sedang membangun?

(b) ATAU

Bincangkan pertalian di antara komunikasi dengan pembangunan. Berdasarkan keadaan tempatan, huraikan ciri-ciri kelemahan yang terdapat dalam sistem komunikasi yang menjadi halangan kepada peranannya yang berkesan dalam pembangunan negara.

4. SAMA ADA (25%)

- (a) Dengan menggunakan sumber-sumber alternatif komunikasi seperti yang terdapat di Korea, Bangladesh, Cina, India, Mexico dan sebagainya, tulis satu esei yang menerangkan bagaimana komunikasi boleh diguna dengan lebih berkesan lagi untuk proses pembangunan.

(b) ATAU

Dari unsur-unsur ekonomi, sosial, kebudayaan, agama, dan politik yang terdapat di Malaysia, bincangkan bagaimana peranan komunikasi dalam proses pembangunan di negara ini dapat dipertingkatkan.

-ooo000ooo-